

**DE MORBIS
PANDEMICIS
DISSERTATIO
QUAM IN C. R...**

Matteo Nicolich



Vol. 22

DE
MORBIS PANDEMIS
DISSERTATIO

QUEM
IN G. R. ARCHIGYMNASIO PATAVINO

AD
Licentiam Medicam Obtinendam

PUBLICÆ PROPOSITÆ

MATTHÆUS NICOLICH

Medici Licentiat



PATAVII
TYPIS CARTALLIER
M. DCC. XXVI

Parentibus Optimis

GRATISSIMUS FILIUS

PROEMIUM

Si quis morbus exurgat pandemicus in aliqua terrae regione, illico medici inter se turpem plerumque, generique humano fatalem intendunt litam, an epidemica vel contagiosa sit ejus indoles. Et nostra nunc tempora suas praebent medicis graves disputationes. Ab aliquot jam annis Cholera in Europa grassatur, et tamen de ejus natura lis adhuc sub judice pendet? Unde haec medicorum discordia? Si rem tanti momenti tranquillo perpendimus animo, nullam aliam causam invenimus, nisi in diversa, quam sequuntur doctrina, ob quam medici summo cum detrimento in graves incurrunt errores. Juxta diversas medicinae theorias, diversae habentur morbo-

rum pandemicorum sententiae; qui enim humoribus se nimis fidunt, eorum corruptionem in omnibus sibi fingunt; qui incitationis doctrinae favent, virium vitalium aberrationes tantum ubique considerant; et alii omnia viventia in morbis continuo vident, et sic innumeras habemus de contagiis inutiles, ridiculas et perniciosas hypoteses, quin tamen natura contagiorum, et saepe saepius nec natura morbi per contagium inducti innotescat. Quanam igitur ratione diversae possunt perhiberi opiniones, si quid sit morbus popularis omnino ignoratur? Quid prosunt saluti publicae tot medicorum sententiae, si tamen morbus innumeras sibi mactat inter populum victimas? Negari vero nequit, veritatis aliquam faciem omnes invenisse diversarum aetatum auctores; et haec veritas, nisi mea me fallat opinio, ea videlicet est, morbum qualemcumque, qua productum organismi humani, in intimo esse nexu cum natura externa. Patest inde perfectam cognitionem naturae externae, et ejus cum organismo

humano rationem esse necessariam, ut recta prodest alicujus morbi notio. Organismum humanum, etsi mirabile unicuique videri debeat, nā tamen aliud est, nisi particula orbis universi; et hinc sequitur, organismum non aliis obtemperare legibus præter illas, quibus orbis ipse moderatur. Causæ morborum pandemicorum hæc dici possunt, quæ uno, eodemque tempore quamplures homines ita afficiunt, ut ipsemet morbus in omnibus excitetur. Ex neglectu hujus veritatis originem sumunt tantæ inter medicos dissensiones. Si quid meis pollebo viribus, virorum summorum auctoritate fulcitus in id unice nitar, ut demonstrem morbos omnes pandemicos non multum inter se differre, imo eorundem momentorum necessariam esse sobolem. Quænam igitur sit hujusmodi morborum origo, qualis eorum decursus, ac indoles, et qualis modus propagationis, erunt tres quæstiones, quas perscrutari cōabor. Quid ingenium meum valet, optime sentio, et jure merito in tanto perti-

mescerem tentamine, nisi quid veniae
meis verbis ab Illustri hocce Collegio
Medico mihi sperare liceret, quapropter
quidquid de morbis pandemicis sentiam,
breviter et ingenuae exponam.

DIVISIO MORBORUM PANDEMICORUM.

Sub nomine morborum pandemicorum eos intelligimus, qui super populum extensi, eodem tempore, ex eadem causa grassantur. Si naturam externam in nexu cum organismo humano consideramus, fieri potest, ut res externae (non naturales antiquis scriptoribus dictae) tali modo immutentur, ut in pluribus organismis, cum quibus luctant uno fere lotu necessarias inducant actiones, et morbis epidemicis originem praebent. Experientia aliunde edocti sumus, alios existere morbos pandemicos, qui ex eisdem causis exorti ad tantam evchi possunt potentiam, ut productum quoddam edant animale, quod in alia organismo illatum morbum analogum excitare valeat. En origo contagiorum. Evenit tandem non raro ut morbus, qui ex conditionibus tellurico-cosmicis originem duxit, persistente eadem causa, et exurgente novo producto morboso, majori cum celeritate inter populos propagetur, innumerasque sibi eligit victimas. Morbi hujusmodi epidemico-contagiosi nuncupari merentur. Morbos pandemicos facit

quaeque habuerunt tempora; cum vero contagium non adeo frequenter observatum fuerit, idcirco Hippocrates morbos tantummodo inter populum grassantes descripsit, et rerum naturalium vitia tanquam eorum causam consideravit, quia ulla infectionis indicia nobis relinqueret. Hebraei gravissimis opprimebantur pestilentia, et asperitissimus illorum Legislator primas contagii suspensiones ponit. Statuit enim Moyses, ut aegri Lepra et Gonorrhoea affecti a consortio separarentur, ne sani eodem morbo adlitterentur. Praestorae in Europa anno 1471, cum Syphilis prima vice in conspectum venit, fundamenta doctrinae contagiorum instituit. Ast in errores contrarios inciderunt medici, qui morbos pandemicos non alios nisi contagiosos esse existimarunt. Nova tandem doctrina ab naturalium scientiarum cultores imbuti, omnes morbos epidemicos esse praedicarunt adeo ut pestis ipsa qua morbos epidemicos consideraretur. Eadem quaestiones, et disputationes inter Aethericos existant medicos, et inter Hippocraticos nos quoque nonnullas habemus, qui Hieronimum Mercatorum sequuti Pestem ipsam orientalem epidemicam esse volunt.

Triplex haec morborum pandemicorum divisio finem forsitan poneret tot ridiculis disputationibus, quae medicorum famam deterpant, quin ullius sint adjumenti publicae saluti; si argumentis

rationalem hanc divisionem demonstrare, characteresque unicuique proprios enumerare valerem.

Primus character morborum pandemicorum, juxta meam opinionem, est decursus eorum acutus. Nulla revera existit affectio chronica, quae epidemico inter populum diasteminetur. At nonnulla habemus contagia, quae longiorem assument decursum; cum vero morbi hujusmodi vitae periculum non minuentur, de eorum natura contagiosa nulla remanent inter medicos dubia. Morbi tandem epidemico-contagiosi uti sunt exanthemata febrilia semper acutam tenent decursam.

Morbi pandemici certa determinata percurrunt stadia, quae cum stadiis cujuscumque morbi sporadici, vel etiam morbi epidemici in singulis individuis optime conveniunt, adeo ut in complexu morborum epidemicorum, contagiosorum, et epidemico-contagiosorum stadium opportunitatis, incrementi, status, decrementi, et convalescentiae observare licet. Veritas haec auctoritate summorum virorum suffulciri potest, qui indubias in epidemiis et contagiis instituerant observationes. Sic immortalis Sydenhamius in epidemia Londinensi 1669 phaenomena graviora sub epidemiae initio, quam in statu et decremento invenisse testatur. Confirmant hoc observationes Ramazzinii in epidemia Mutinensi, nec argumenta pro hac veritate desunt in epidemia Neapolitana, quam Sarconius accuratè descripsit.

Existunt autem quidam morbi pandemici, qui diversas aetates praediligunt; alii constitutionum peculiarium sunt proprii; alii tandem juxta sexuum diversitatem majores, minoresve intensitate grassantur. Proprius hic character morbis epidemicis sequi ac contagiosis. Sic illustris Sarconius in epidemia, quae Neapoli anno 1764 exstitit, asserit, sub initio morbi homines fortiores praecipue affectos fuisse, dum foeminae, et senes imbecilles immanes evaserunt.

In secundo autem studio, uti idem dicit Sarconius, et senes sequior eodem morbo laboravit, nec senes vitae pericula effugere potuerunt. Tandem sub decremento morbi inter primam aetatem morbus epidemicus terribissimas inducit strages. Sunt quoque quaedam contagia, quae aetatis tenerioris sunt propria uti morbilli, et scarlatina; dantur et contra alia, quae nulli percutunt aetati, uti variola, et typhus exanthematicus. Unde hic morborum genus peculiaris pendere potest? Si de epidemia sermo est, neminem latet hoc praecipue pendere ex peculiari rerum externarum influxu, et ex dispositione organismi; quapropter indoles, et character praecipuus sunt determinandi. Quis enim artis medicae principia imbutus ignorare potest (si sub evolutione alicujus epidemiae tales adint conditiones tellurico-cosmicas, quae diathesi pathologicae favent) homines quoque torcosos, rebundos, plethoricos mor-

be affici debere? In morbis autem contagiosis pro diversa ratione, quae inter contagium, et aliquod organismi systema intercedit, diversos licet observare morbos, qui vitam sensibilem vel vegetabilem praecipuis afficiant. Ab omni aevo extant observationes, quibus in plenam lucem est positum, per peculiarem dispositionem organismi, nec non per actionem specificam contagiorum morbos existisse, qui processum plasticum ita immutent ut purae generi quam maxime faveant, ut in Variolae, et Varicellae. Non deunt exempla aliorum morborum, qui systema irritabile eminenter afficiunt, quin inflammationis edant exitus, uti Scarlatina, Morbilli, et Rubella. Tandem sunt et alia contagia, quae in vitam sensibilem agunt, uti Typhus anthracosus, et icterodes.

Experientia, et observationibus practicis est quoque confirmatum, morbum unum pandemicum alius impedire evolutionem, adeo ut duo simul morbi in eadem orbis regione imperium tenere nequeant. Febris intermittentes in quibusdam locis humidis paludosis praeservant eandem regionem ab impetu aliorum morborum pandemicorum. Magis adhuc haec lex naturae elucet in morbis contagiosis, sub quorum decursu alius morbi contagiosi fere nunquam fit evolutio; imo astringunt praecellari in praxi medica viri, contagia etiam afebrilia, uti Syphilis, et Scabies a contagia febrilibus immunes reddere homines affectos.

Diversa anni tempora peculiarem exercent influxum in generandis morbis pandemicis. Hinc observantur epidemias isdoliaphlogisticas, quae praecipue organa respirationis afficiunt sub hiberno tempore maximas mactare victimas. Dum e contra morbi epidemici, qui in organis abdominalibus suam figunt sedem aestatis, et autumnii magis sunt proprii. Negari autem non potest, et morbos contagiosos pro diversis anni temporibus diversas vestire formas; hinc morbi contagiosi, qui systema irritabile praecipue afficiunt, ex vicissitudinibus atmosphaericis autumnii, et veris propriis plerumque pendere videntur; dum e contra morbi contagiosi typhoides sub aestatis tempore intradescere solent. Statuta sic characteribus morborum, qui epidemici, vel contagiosi vel epidemico-contagiosi dicuntur, clare elucet maximam esse inter omnes analogiam, quae magis adhuc patebit, dum causas morborum recensuimus. Si vero morbi quibus subjacet organismum humanum, non qua entia parassita, ut nonnulli volunt, sed qua productum naturae externae, et virium reagentium organisationis consideramus, sponte finit, morbos epidemicos nulla ratione diversos esse a morbis contagiosis, nisi quoad eorum evolutionem, et modum propagationis, et juxta diversa systemata quae per unam alteramve naturae externae mutationem morbose afficiuntur. Quod si hacusque disputationes

fabant sub evolutione alicujus morbi pandemici, hanc originem dabant ex neglecta determinatione affectionis primarias organismi; quod tamen aliquid venias meretur eoquod in plerisque pandemicis anatomicis nulla vitiorum certa signa in cadaveribus detegere valet, tum propter acutissimum morborum decursum, tum propter imperfectas ipsorum cadaverum sectiones.

CAUSAE MORBORUM PANDEMICORUM.

Causas morborum pandemicorum antiqui scriptores alii in nubibus pestiferis invenerunt; alii astrorum influxum, iram Deorum alii accusarunt, et non defuerunt, qui spiritus maleficos, vel animalcula in aëre volitantia sibi facerunt. At profundiores naturae scrutatores non in rebus supernaturalibus, sed in ipsa natura causas morborum quaesierunt. In morbis pandemicis aër nunc siccus, nunc humidus, vel calidus, vel frigidus, principisse heterogeniae inquinatae, nec non nutrimenta quoad quantitatem, et qualitatem peccantia in causa fuerant tot grassantium morborum pandemicorum. Quod idem locum habere in epidemiis docetur experientia, et observationibus, quibus celeberrimi diu laudaverunt viri. Sic Sarconius sub initio epidemiae, quam optimè descripsit, diarrhoeas, et affectiones catarrhales, a quibus initium compit, non aliun-

de repetit nisi ex vicissitudine ventorum borealium et australium, quae manifestissimas in organismo humano inducunt mutationes. Et alibi idem auctor alimenta malas indolis, et parca, quae causam morbi epidemici considerat, non tantum inter incolae Neapolis, sed potius inter turbas vagantium pauperum, quae urbem praesentia sua infectarunt; unde forsan argumentum ducere possemus de contagio morbi, qui sub nomine epidemiae a doctissimo auctore describitur. Nec desunt alii, qui vicissitudines atmosphaericas, aërem humidum, et siccum, frigidum, et calidum morbis pandemicis gignendis quum maxime valere credant. Defendunt hanc sententiam clarissimi in arte medica viri tum antiquiores, tum aetherici, uti Lancisius, Ramazzinus, Sydenhamius, et inter nuperos Brera, Bufalini, et Hildenbrandus et alii plurimi.

Licet hanc unanimi consensu teneant sententiam clarissimi auctores quoad originem epidemiarum, discrepent tamen inter se, si sermo sit de causis contagiorum, et numerosa adducuntur exempla, quibus demonstratur morbos contagiosos aliquoties sub aëre tum frigido, tum calido, tum sereno, quam nebuloso existisse; et argumenta hinc desumuntur ad negandum influxum aëris in gignendis contagiis. Sed haec argumentandi methodus non multum idonea esse videtur; exempla enim, quae adducuntur probare pos-

sunt principia contagiosa in organismum inducta per se morbos específicos gignere, quin tamen negare possit evolutio morbi contagiosi, adiuvantibus conditionibus tellurico-cosmicis, quod ad- versari omnino neglexerunt. Non itaque me multum a veritate alienum esse credo, dum assero ex morbis epidemicis contagiosos fieri, et contagiosos per se inter populum disseminari posse. Extra omnia dubitationis aleam est positum etiam sub simplici epidemia peculiare per aërem atmosphæricum in organismo humano induci mutationes; quid igitur menti humanas re- pognat si huiusmodi mutationes tali passo pro- cedant, et talem liquationis gradum inducant, ut productum aliquod excrementitium singulares adquiret proprietates, propter quas in organi- sme novas evocet turbas primis omnino anelo- gas? Celeberrimus Pucinotti in opere suo de contagis confutata seriem evolutionem sponta- neam, et principia contagiosa semper ab exte- rna natura in organismum illata esse credit. Ad hanc roborandam sententiam diligentissime per- scrutatur diversas aëris atmosphærici qualitates, quas morbos epidemicos gignant, quin ulla ex- inde predeant contagia. Attento examine con- siderat quoque nutrimentorum, et animi pathe- matum influxum, quæ ab aliis auctoribus, quæ casus morborum contagiosorum retineantur. Sed si contagia extra organismum humanum sunt jam

formata, Cl. Pacinotti eorum existentiam in rebus externalibus demonstrare debuisset; est ipse de origine contagiorum, et de eorum natura suam ingenue fatetur ignorantiam. Quamvis sint ejus argumenta, quibus negat contagia sponte evolvi breviter nunc exponam.

Aëria primum qualitates tum physicas, tum chemicas considerans negat ejus influxum in gignendis morbis contagiosis. Adducit enim experimenta Blagden, Fordyce, Dehamel, Titatingh, Zimmermann quibus elucet organismum humanum diversos posse sustinere caloris gradus, quos inde morbi contagiosi exurgant. At ejus sententia opponi potest auctoritas aliorum auctorum, qui zonae torridae maximam tribuunt contagiorum fertilitatem. Hinc Cl. Hildenbrand optime monet Morbillas, Variolam, Syphilidem, Pestem bubonicam ex Abyssinia, Ethiopia, Egypto, et ex India occidentali ad nostras oras delata fuisse, dum in illis regionalibus clades inducunt endemicæ. Si clima, si mutationes atmosphaericæ ad evolutionem contagiorum nil contribuant, quomodo igitur fit ut illo tantum sub coelo latent? Quomodo explicari potest intercurrentis eorum evolutio? Cur sub zone frigide non discernuntur? Observationes tandem omnium ætatum in eo unice conveniunt, mutationes aëris atmosphaerici quasqualitates tum physicas, tum chemicas semper præcessisse evolutionem alicujus

morbi pandemici, ut testantur Sarcenius, Ramazzinus, Sydenhamius, Bufalinius, Brera et Hildebrandius qui licet epidemias descripserint, contagii tamen suspicionem non tollunt.

Licet aër atmosphæricus semper, et ubique locorum eisdem constet principiis, nec diversi gradus caloris, vel frigoris, vel major minorve electricitatis tenore morbos contagiosos inducere valeat, uti ait auctor; innotescit tamen omnibus medicinas cultoribus in aëre ipso talia posse adesse inquinamenta, quae vitæ plasticæ processum ita immutant, ut novam aliquod dissolutionis pro ductum in lucem prodant.

In capite, in quo ipse auctor disceit de prava alimentorum qualitate, opponit prae primis falsam ideam fermentationis in tubo gastro-enterico, ex qua aliqui auctores originem contagiorum praedicarunt. Ast unusquisque principii physiologiae imbutus, rejicit hancve ideam fermentationis chemicæ, quin tamen neget variam esse in diversis hominibus digestionem, ex qua deinde fluunt vitæ secretionis, excretioni et nutritionis; et talis pacto non excluditur formatio alicujus principii morbifici quod per vias organorum secretantium in lucem prodit. Adducit dein exempla hominum, qui fœnem diutius sustinere potuerunt, quin morbi contagiosi sint evoluti; et in hoc nemo ipsi adversatur: ast observandum esse arbitror principia contagiosa sub forma parvi

occurrere, et hinc demonstrare debuisset auctor, alimenta cujuscunque generis inepta esse inducendas phlogosi specificas, quae contagium producat; quod in suis disquisitionibus omnino deest.

Enumerat dein diversa animi pathemata, nec non temperaments attente considerat, et hic quoque concludit nec haec, nec illa pro contagia generanda sufficere posse. At nos influxum atmosphaerae, ciborum, pathematum, constitutionum, aetatum, sexuum latiori sensu consideramus; et non negamus haec soli per se morbos contagiosos haud producere posse. Non ignoramus revera morbos exitiales pandemicos, quin ullae observationes fuerint aëris vicissitudines, quin ullae edherit nutrimentorum inopia, quin bella, nec clades populos deterrere; sed longe major est numerus observationum, quibus constat diversas hujusmodi circumstantias plerumque praecedentes morbos populares. Si vero quandoque morbi existerent pandemici absque haec circumstantiis, non licet tamen in omnibus casibus eundem negare influxum.

Mutationes morborum perpendens negat possibilitatem generationis spontaneae contagiorum ex hac causa. Mutationes has pendere dicit vel a continuitate partium, et systematum organicorum, vel a consensu inter diversa systemata, vel a retropulsionis alicujus excretionis, secretionis-

va, vel ex nimia activitate vel languore functionum. Omnes medicinas practicas non ignorare esse pato morbos per consensum, per contingentiam partium ex localibus fieri universales, et ex levioribus evadere gravissimos; et omnes quoque practici in eo conveniunt, dari quasdam serie circumstantias, propter quas immutatur proportio inter moleculas organicas adeo ut omnes partes organice in dissolutionem nitantur; quod clare demonstrat diathesis serosa, putrida, et scorbutica Bufalini. Nova autem hæc producta ex perversa affinitatis legibus sciantis, tales habere proprietates, quibus cæteris organismis rade dispositis morbos específicos infligere possunt, non repugnare videtur.

Combustiones tandem spontaneas, et Hydrophobiam examine suo pertrahat, et quoad primas nullam invenit inter eas, et morbos contagiosos analogiam; quoad Hydrophobiam ejus evolutionem spontaneam esse in homine negat. Mihi e contra summa videtur esse analogia inter combustiones spontaneas, et contagia; ea tamen insimul potest differentia, primas longiori indigere temporis spatio, ut in scenam prodiant, dum contagia brevissimo tempore efformari videntur. Sicuti verò in primis hydrogenium, et phosphorus insimul uniti hujus phaenomeni causam constituent efficientem, sic varia proportio inter sub-

stantias combustibiles diversis contagiis originem dare potest. Sic phosphorus calci admixtus diversas inducit calcificationes, et non raro ex hac causa Gangraena exurgit senilis. Hinc inductio legitima fuit ex eisdem principis diversa tamen proportione unitis diversa phaenomena in lucem prodire. Hydrophobiam quod attinet, considerandum esse creda, qua morbum a veneno sui generis inductum, uti a veneno viperæ, et aliarum animalium peculiare alii morbi excitantur. Pari vero ratione, qua in canibus hydrophobia apparet, idem quoque in homine locum habere potest, uti observationes quamplurimas demonstrarunt, hominum videlicet, qui nullo morbo affecti, ira tamen perciti, aut teterrimo alio animi pathemate hoc morbo sponte laborarunt. Quod si concedatur, nullam invenio difficultatem pro generatione spontanea contagiorum; in statu enim sano, nec venenam hydrophobicam, nec contagia homini sunt propicia, sed per peculiare organorum mutationes originem sumunt.

In conclusione tandem ejus operis respondet Cl. Pacinotti objectioni, quae necessario fieri debuit. « Si nempe contagia a natura externa in organismum inferrantur humanum, si Variolæ ex Arabia, Pestis ex Æthiopia ad nos sunt delatae, qua ratione inter Arabes, et inter Æthiopes prima horum morborum introductio est facta? Si vero aliquod contagium intra organismum una

tantum vice generari possent, quid repugnat, ut omni aëre denuo reproducatur, si faventes adsint circumstantiæ? »

Respondet ipse hinc verbis: « Io non parlo, nè cerco l'origine primitiva de' contagi; i contagi ora sono nati, ed esistono, ed è affatto frustaneo beccarsi il cervello intorno alla loro origine primitiva ». Tunc sic sua persequitur argumenta? Productiones hujusmodi spontaneæ non aliunde concipi possent nisi ex accidentali mixtione molecularum organicarum, quæ nutritioni inseruire debuissent; aut contagia sunt entia determinata, et semper sibi inter æqualia. Hinc dicit insignis auctor, nos haberemus varias contagiorum species, quot fierent in organismo humano diversæ hujusmodi mixtiones. Et nos revera talem definimus sententiam, et experientia, et observationes omnia aëri pro nostra pugnant opinione. Nec mere chemica credimus esse tales mixtiones, uti auctor vellet nobis imputare; scimus enim quidquid in organismo fiat, præter leges universales, et alias subiacere organismi vivilogibus. Recusanda itaque doctrinam ejusdem Cl. Auctoris existimo, quæ sustinere constat unum, idemque semper esse contagium, diversasque morborum formas, quas ubique observare licet, nil aliud esse nisi mutationes ejusdem principii contagiosi. » Licet contagia generi humano sint constantes, absurdum tamen foret, eorum propagationem per

omnes aetates, et per omnes terrae plagas ex unico germine judicare velle a sunt verba Clar. Hildenbrandt. Patet inde, si quis etiam negare lit evolutionem spontaneam contagiorum in nostra zona temperata, eorum originem aliis zonis esse propriam, nisi quis infinitam eorum catervam, et per infinitos aëres eorum existentiam statuere vellet.

Determinata sic evolutione spontanea contagiorum, animadvertendum esse censeo, et contagia, sicut et alia entia organica tum animalia, tum vegetabilia diversas offerre mutationes juxta diversitatem climatis, et naturae ambientis. Quod concipi nequit nisi ex absoluta necessitate circumstantiarum climati inhererentium, quae dum in aliquibus plagis deficient, evolutionem primigenam fomitis contagiosi vetant. Quod etiam in plantis, et in ipsis animalibus observare licet, dum alia sub zona torrida, alia sub temperata, et pauci sub zona frigida solum agunt vitam. Habentur hinc contagia, uti et animalia, et plantae uni tantum climati addictae, uti Pestis orientalis; alia autem in omni regione evalescere possunt, sicut Syphilis.

NATURAE EVOLUTIO MEMBRORUM PANDEMICORUM.

Morbi pandemici neque natura, neque intensitate a sporadicis non differunt; in eo enim tan-

tum modo discrimen adest, quod plures homines afficiunt, quia in data aëris constitutione, dispositione ipsorum hominum, qualitate ciborum plerumque una, eodemque tempore plectuntur. « Non è la malattia, che sia in questi anni diversa da quel che fu nei precedenti; è la disposizione, o l'attitudine a rimanere attaccati, che nelle comuni epoche esiste in pochi, e che all'opposto durante una costituzione epidemica è comune al maggior numero, e facilita terribilmente la diffusione del morbo. » Est hæc sententia Cl. Tommasini in suis observationibus de Febri petechiali, quæ in Italia anno 1817 grassabatur. Cum vero morbus quisque unum, aliud ex principis humanæ machinæ systematibus afficere soleat; sic et morbi pandemici, vel systema irritabile, vel reproductivum, vel sensitivum afficere videntur. Non est itaque difficile in descriptionibus morborum pandemicorum ab auctoribus enunciatis eos invenire, qui præcipuis in systemate irritabili eam figunt sedem; unde duo exurgunt morborum characteres, inflammatorius videlicet, et putridus. Sic optime describit Sarcinæ sub initio epidemiciæ Neapolitanæ Pleurisiæ, et Pneumoniæ, quæ inter populum strages induxerunt. Sic Sydenhamicæ Cholerae, et Dysentericiæ Londinæ epidemiciæ grassantes nobiscum communicavit; in qua epidemia systema reproductivum sedem morbi præbuisset videtur.

Sic idem Sarconius, vigente epidemia, de qua agit, morbos nervosos vidit, uti sunt Convulsiones, Epilepsia, Mania &c. Sic Gl. Hildebrandt Typhi exanthematici optimam posteritati tradidit imaginem, ex qua elucet principia affectio systematis nervosi. Morbi alii exanthematici peraepe exempla nobis offerunt affectionis systematis irritativi, qui nunc characterem exhibent inflammatorum, et quandoque putridum. Ad gignendos itaque morbos pandemicos dispositio requiritur peculiaris organismi, nec non influxus specificus, vel saltem insolitus rerum externarum, cum quibus continuo organismum luctare debet. Morbi itaque epidemici a violentudinibus atmosphaericis, et dispositione organismi exurgunt, dum morbi contagiosi, et epidemico-contagiosi peculiari agent nixa in liquationem, et putredinem.

Sicuti ex refrigerio aestuanti corpori adplicito morbus phlogisticus in scenam prodit, et nunc pleuritis, nunc pneumonia, nunc angina, et febris catarrhalis evolvitur, sic eodem causa agens in plures homines, eodem tempore morbos epidemicos indolis phlogisticas grassari videmus; sicuti Sarconius in epidemia Neapolitana Pleuritis, et Pneumonias ex alternatione ventorum borealium, et australium repetendas esse existimavit. Sed ad genesis morborum contagiosorum plures concurrunt circumstantiae, quarum prae-

cipus ea modo vis est, ut liquestionis quondam species in organismo locus habeat. Omnia igitur, quae processum hunc dissolutionis inducere valent, haec et evolutioni contagiorum prae primis fiunt. Recensenda hic veniunt aër inclusus, corruptus, diversis vitiatas effluviis, certus gradus caloris, et humiditatis, victus praeus, calamitates publicae, et animi pathemata. Haec autem non ita intelligi debent, ac si similes contagiosi in aëre nascerentur, ac circumfluerent. Haec sunt solummodo conditiones, quae in organismum humanum agentes processum organico-plasticum tali ratione immutant, ut in ipso principia plogistica evolvantur. Ex quo fit ut virus expansivum majorem adquirat vim; dum e contra infringitur contractivum; et inde uberius fit emanatio principiorum, quae tamquam heterogenae non solum ipsum organismum laedunt; sed si ab uno ad alium hominem transeant, eundem liquestionis processum inducere valent. Sed neque hoc liquestionis processus genesis contagiorum explicari potest. Nulla organica productio, et reproductio in corpore humano obtineri potest, nisi per actionem vasorum capillarum, et per vim plasticam organismi. Aut vis plastica organismi duos edat effectus, vel substantias videlicet externas in materiam organicam convertit, vel alias nutritioni inutiles ex organismo protrudit. Contagia ad secundam pertinent classem, et quae producta

morboasae secretionis sunt recensenda. Organa autem, quae elementa heterogenea e corpore eliminant, sunt cutis, organa uropoetica, et membranae mucosae. Patet inde originem omnium contagiorum in haec tribus organismi sphaeris esse quaerendam. Ex quibus omnibus patet morbos epidemicos fieri posse contagiosos. Sed ne haec mea assertio gratuita esse videatur, Bufalini theoriam de origine contagiorum consulam, necesse est. Insignis hic auctor, postquam ad examen revocavit argumenta eorum, qui evolutionem spontaneam contagiorum negant, eoquod huiusmodi morbos et sub aëre puro, et sicco, et sub omnium rerum naturalium copia produci viderunt haec verbis concludit: « Noi però a fronte di qualche anomalia non ancora abbastanza determinata terremo per indubitato, che alle pestilenze predispongono potentemente il corpo umano tutte le potenze dissolutive; e quindi alle epidemie succedono spesso le malattie contagiose. » Quaedam causas huiusmodi liquationis convenit ipse Bufalini cum Hildenbrandio, cujus theoriam jam exposui. Ast quanam ratione organismum humanum dissolutioni proclive producta talia edit, quas in alius organismum introducta morbum analogum excitare valent? Hildenbrandius rem summam cum sagacitate explicat. Quomodo enim, inquit ille, secretiones singulae ab organis secretantibus caractere specifico determinantur, ita

et secretiones morbose eorundem organorum vitiatam perhibent vitam plasticam. Hoc autem vitium in vasis capillaribus nil aliud esse potest, quam phlogosis; quae opinio confirmatur observatione omnium medicorum, ex qua patet nullum dari morbum contagiosum, in quo processus phlogisticus vel in cute, vel in membranis mucosis deficit. Imo existant quaedam dermatitis phlogosae, quae licet ab initio nullam afferant infectionis periculum, contagiosae tamen evadunt statim ac per phlogosim immutentur quaedam secretiones, quae tamquam vehiculum contagii sunt retinendae. Omnes denique practici in se conveniunt, morbos quoque contagiosos tam praecipue quoad infectionem esse periculosos, cum per phlogosim novum exergat productum parisi, muci, et icharia. In hac sententia convenit et Cl. Broussais, qui phlogosae sic dictas spurias maxime lethales designat. Phlogosae autem spuriae repetit ex praevalente viis in expansionem per notas jam causas inducta. Fieri potest, dicit ipse, sub tali conditione, ut in aliqua organa major exurgat humorum adfluxus, ex quo dein oriuntur stases, et ipsa phlogosis. Cum vero partes organicae dissolutioni sint summo opere proclives, tumor phlogisticus rapidissimas inducit mutationes. Verum est quidem sub processo inflammatorio angustiam majorem acquirere plasticitatem; sed si phlogosis ad altissimum evahatur gradum citissime in-

3e

surgunt dissolutiones. Si vero phlogosis locum habeat in aliquo organo, dum materies organica in dissolutionem tendit, non est rationi absonum omnem vel levem phlogosim teterrimos producere effectus. En origo, et celeris transitus morbi phlogistici in vastam gangraenam; hinc explicantur Erysipelates gangraenosi; hinc Postulae malignae, et gangraena nosocomialis; hinc Typhus anthracosus, et tot alii morbi, de quorum indole contagiosa nec dubium moveri potest. Si quid haec argumenta valeant, in claram lucem positum esse credo morborum pandemicorum fomites non in aëre volitantes, non ex ira Deorum esse petendos, sed totidem organismi humani producta esse considerandos. Altera inde fuit deductio, futile, insulsaque esse medicorum disputationes de indole epidemica, vel contagiosa quorundam morborum. Argumentis enim est probatum ex epidemiis fieri posse morbos contagiosos, et ex neglectu hujus tertiae classis morborum pandemicorum plurimas exurgere quaestiones. Si vero res attente perpendatur animo, si morborum origo, et eorum cum rebus exterius relatio, et decursus nec non modus propagationis inquiratur, omnes cessarent luctuosae disensiones, nec fama medicorum tam graviter deturparetur. Aut prob! dolor, medici non raro dilectas quasdam doctrinas amplectentes, veritati ocludunt aures, et pertinaci animo opinionibus suis victimas innumeras offerre non

abhorrent. An damna foras mercatorum, an aliquas urbis impeditum commercium, an aliquas quaecumque alicujus regionis commode medicos consueque allucinari debent, ut veritatem agnoscerent recusent? Nonne laevioribus impensis, sed salutaribus consiliis graves praepedire possunt acriminas, tantasque inter populos evitent confusiones? Mirum tamen viden, hujusmodi homines, qui morbos omnes epidemicos praedicant, ad lectulos aegrorum attentum evitare, eorumque exemplo graves, pro quibus dimittant sententias confutari.

MODUS DIFFUSIONIS MORBORUM PANDEMICORUM.

Morbos pandemicos originem sumere diximus ex conditionibus quibusdam tellurico-cosmicis, quae eodem tempore in plures homines agunt. Fit inde, ut sub initio alicujus epidemiae major sit peremptorum numerus cum causa nocens in male dispositos praes primis vires suas exerit; et deinceps non raro clam irrepit morbus, neque medici cum satis animadverterent, ut remedia apta statim in auxilium vocentur. Et revera morbi epidemici decorem imminuantur strages, quia hominum vivendi methodos contra causam reagit, et medici satis edocti aegris ipsis melius consulunt. At contagia sub initio paucos adhaerent homines; si vero circumstantiae faventes adint, citissime inter populum diffunduntur. Conditiones

3a

autem, quae diffusionem contagiorum sollicitant sunt evolutio spontanea in multis hominibus, et liberum commercium inter aegrotantes, et sanos. Cum nos et tertiam admittamus morborum pandemicorum classem evenit non raro, ut qui morbis conditionibus tellurico-cosmicis pendens, dum contagiosus, ut diximus evadunt, id tam per contactum, tam per vicinuitudines atmosphaericas locum habeat. Quæri potest an morbi contagiosi existant, quin contagii nulla præbeant indicia. In hac quaestione distinguendum debet an morbi formas cutem occupet, nec ne. Si etenim de Variola, de Morbilla, de Febris petechiali, de Scabie, aliisque similibus morbis quaestio sit, tunc infectio adest quoties sanus homo aegrum quomodocumque attingat. Non idem autem dicendum est de morbis, quibus aut nervum systema laecest, aut aliae humani corporis partes affliguntur; tunc enim praedispotio necessaria est; quae posita, morbi reproductio, seu infectio evitari nequit. Alia autem per quae contagia in organismum feruntur sunt cutis externa, et membranae mucosae narium, oris, intestinali recti et urethrae. Cum vero cutis in continuo sit conflicta cum rebus externis, elucet ejus superficiem praecipuum offerre contagiorum atrium. Contagia volatilia, ut dicunt Nosologi, deleteriam exerunt actionem in membranam pituitariam, et in organa respirationis. Majorem acquiri valorem haec nostra opinio, cum neminem

laesat, omnia exanthemata fibrilla a phaenomenis catarrhalibus initium sumere. Quod organon affectus, ipsum solum proprium esse videtur ad distinguendas diversas fluidorum elasticorum proprietates, et eo magis affici posse, cum contagia volatilia odores sibi proprio habent. Per viam ventriculi infectionem possibilem esse crediderunt nonnulli auctores, et ego contrariam defendo sententiam. Et re quidem vera, si etiam fomes contagiosus in cavitate oris inducatur (quod negari nequit) ejus mixtio cum saliva, dein cum mucus, et succo gastrico tales in ipso inducit mutationes, ut morbo analogo, ex quo prodit, generando ineptus reddatur. Diximus jam alibi contagia esse producta animalia, in quibus principia phlogistica praevalent; quod si haec cum saliva, et succo gastrico in conflictum veniant, virtutes suas amittant, necesse est. Hoc quoque experimenta Cl. Valli clare demonstrant; cum ex his patet virus variolosum, et pestilens succo gastrico permixta suas perdidisse proprietates.

Quomodo autem fit, ut fomes contagiosus qui in determinata quadam corporis parte applicatur, morbos universales excitare valeat? Haec quaestio plurimum auctorum acuit ingenium, et diversae de hoc phaenomeno extant opiniones. Stimuli extrinseci machinas humanas adpliciti per tres vias per totum organismum diffundi pos-

sunt, vel per vasa absorbentia, vel per poros inorganicos, vel per nervos. Cl. Brera in lectionibus suis de contagia dicit infectionem contagiorum tantum per vasa fieri absorbentia. Ego autem ejus opinioni assentire nequeo. Dicit enim principia contagiosa cum saliva, et succo gastrico commixta eas amittere virtutes, quid de his fiet, si per totum circulationis ambitum transseant, et vasorum actioni subiciantur, et cum sanguine misceantur? Praeterea si fomes contagiosus in vasa lymphatica inferretur, prima affectio morbose in systemate lymphatico adhaeret, quod omni observationi relictat. Tandem si contagium per vasa absorbentia in organismum fertur, principium hoc per leges peculiares oeconomiae animalis vel in massam homogeneam reduceretur, vel ex organismo ejiceretur in utroque caso nullos produceret effectus. Quod si etiam concedatur fontem contagiosum a vasis tantummodo lymphaticis absorberi, et cum massa sanguinis misceri, sanguis ipse contagiosus propagationi aptissimus erit, quod repetitis experimentis non est unquam confirmatum.

Si e contra perpendere velimus nervos solos esse, qui primam stimulorum actionem percutiunt, et ad organa centralia perducant, eorumque reactionem citissimos producere effectus; rationi magis consona esse videtur ea opinio, quae statuitur, contagia per nervos in totum dif-

fundi organismum. Contagia certe nec actionem chemicam, nec mechanicam in parte organica exercent, quod omnes observationes demonstrant, sed dynamicas excitant affectiones, et fluidorum impensibilium more agunt. Sicut autem nervi fluidorum impensibilium conductores jure merito retinentur, sic et contagia per eos in organismum diffundi rationi non reluctat. Si oculos convertimus in ipsa phaenomena, quibus morbi contagiosi exordiri solent, nullum remanet dubium de affectione primaria systematis nervosi; imo primae infectionis symptomata sphaeram ganglionicam morbo correptam esse indicant; eoquod morbi illi per totum corporis ambitum sunt distributi, et vitae organicae prae primis inserviunt. Cum vero nervi peripherici primam persequentur stimulorum actionem, haec ad organa centralia statim propagatur, quo fit, ut systema vasculare in actionem incitatum provocetur, et inde febris excitetur. Tali sub conflictu principii delesterii in eadem agente, et systematis vascularis, quod integritatem vitae servare conatur, processus vegetationis in consensum trahatur, necesse est. Fit inde, ut sub intensiori actione dynamica, uti optime monet Bufalini, primae inchoantur mutationes organico-chemicae, quas secretionibus specificas adfligunt proprietates, et pro diversitate principii praevaleantis diversae habentur liquationis formae, nunc septica,

ut in Typha, nunc parulenti, ut in Variolis. Sequitur inde altera deductio quæ statuitur, pro morborum contagiosorum propagatione formam quandam ipsius semitis contagiosi esse necessariam, quæ vel liquida, vel gasea esse potest. Absit tamen a nobis ea sententia, ut credamus principium quoddam materiale in organismum induci, quod alterationes morbosas provocet; imo contagiorum actionem ipse dynamicam esse credo, sed necessarium quoque censeo materiale quoddam vehiculum, quæ nervi incitantur, et hæc officium præstant por, mucus, et materiei perspirabilia.

Quibus omnibus consideratis deductio iustissima fieri potest, inutiles esse disputationes medicorum de indole contagiose, vel epidemica morborum pandemicorum. Ratio enim rursus, remedia prophylactica semper esse impendenda, cum sedes publica in maximo veretur periculo. Aut sit non raro, ut dum vitales intenduntur vires, morbi, qui ab initio evitari potuissent, magis magisque inter populum prosperant. Dum tempus insaniter teritur hisce discordiis nonne magis saluti publicæ prodesset si nature morbi ipsius cognosceretur? Si argumenta habentur et de contagio, et de genio epidemico alicujus morbi, quid repugnet, ut morbus epidemico-contagiosus declaretur? Exemplum dominantis morbi pandemici adducere juret; inutilis enim, et ge-

neri humano fatales medicos dividunt disputationes. Sed si tales in omnibus auctoribus, qui de Cholera scripterant inveniantur observationes, quibus constet, morbum ab una ad alteram terrarum regionem irrepisse, si singulos ejus progressus determinare liceat, si vestigia hujus furentis morbi per omnes vias, quas transegit, adhuc invenimus, quomodo quæso, ejus indoles contagiosa negari potest? Quis enim tibi unquam figere posset in India, et in Italia, quas sub diversissimis tum longitudinis, tum latitudinis jacent gradibus, eadem adesse aëris atmosphaerici mutationes, nec non condiciones telluricas esse eadem adeo, ut eidem morbo epidemico originem dedisse credantur? Tot denique observantur in hinc duabus orbis terrarum regionibus differentiae in victus, et vitae genere, ut nec minima inde eluceat inter eas analogia; et hinc nullam analogiam distinguere possent medici, nisi aliae quaedam adessent circumstantiae. Cum vero notum sit omnibus, Choleram in India sub peculiaribus circumstantiis tellurico-cosmicis originem duxisse, et cum omnes auctores in eo conveniant, ut peculiare aëris mutationes Cholerae evolutionem praecessisse tententur; et cum praeterea quotidianis observationibus sit demonstratum, genus fere determinatum hominum hoc corripì morbo, fas est concludere, ad Cholerae evolutionem quam plurimum contribuere diversas

mutationes tellurico-cosmicas, quin tamen sub morbo jam evoluta negetur ejus indoles contagiosa, quod observationibus est comprobatus, ita ut Cholera morbus epidemico-contagiosus sit retinendus.

THESES DEFENDENDAE.

I.

Morbi pandemici semper acuti.

II.

Ex epidemicis morbi fiunt contagiosi.

III.

Ex morbis contagiosis exurgunt epidemice.

IV.

Contagia in hominibus sunt spontanea.

V.

Contagia per nervos, non per vasa lymphatica in organismum inferuntur.

VI.

Morbi pandemici a sporadicis indole sua non differunt.

VII.

Contagia per phlogosis processum in lucem
prodeunt.

VIII.

Principium contagiosum non unum idemque
in tota natura.

IX.

Contagia per ventriculum in organismum il-
lata suas amittunt proprietates.

X.

Febres exanthematicae semper symptomatice.

XI.

Cholera est morbus epidemico-contagiosus.

XII.

Cholera morbus in systemate ganglionico suam
figit sedem.

99 939357

